

**QUESTION ORALE DEPOSEE PAR Mme Josepha GIACOMETTI
AU NOM DU GROUPE «CORSICA LIBERA»**

OGGETTU : Per un veru insegnamentu bilinguu

Caru cunsiglieru in carica di a Lingua Corsa,

Un annu fà u nostru gruppu punia una dumanda à bocca cuncernendu disfunziunamenti cunstatati in l'insegnamentu bilinguu.

À l'epica in a vostra risposta aviate spartutu incù noi, à maio parte di stu cunstattu, è precunizate a messa in opera di un travagliu cumunu tra u retturatu è a CTC.

Dapoi sta prima dumanda, un passu maiò hè statu fattu da à nostra assemblea, vogliu parlà di u votu nantu à un Statutu di cuufficità.

Oghje semu d'accunsentu per di chi solu stu Statutu po permette d'assicurà u campà di a nostra lingua.

S'india à nostra assemblea nantu à stu sughjettu, mà dino nantu à l'inseme di i puntelli maiò chì so u fundariu, u statutu fiscale è ci avvemu inseme ver'di una reforma custituziunnale chi ci darà un quadru novu di mezi è d'azione.

Ma a sapemu chi a strada ferma à fà, è chì oghje nantu à u terrenu u custattu hè pessimu cuncernendu l'insegnamentu di a nostra lingua.

- Pè e scole materne ci hè un ritardu maiò in a generalisazione di l'insegnamentu bilinguu,
- In u secondu gradu, a sapemu è l'avete cunstattatu ancu voi, incù un inchiesta qualità chi certe filere dette bilingue, ùn ricevenu mancu 4 ore d'insegnamentu in lingua corsa,
- Ci hè una concorrenza à gran rinforzu di publicità d'ozzione dette "à à moda",

- Un frezzame di i posti ch'ùn hè micca fattu cum'ellu ci vole.

Allora sò avanzate da u retturatu parechji argomenti :

- Difficoltà à truvà maestri,
- Mancanze in a furmazione iniziale è cuntinua
- Mancanza di mezi finanziariii è umani.

Ma fattu si stà ch'ellu ci hè oghje un scartu tra à vulintà di a nostra assemblea è a realtà di a pulitica educativa. E se no laghemu allergà torna stu scartu serà di più in più difficiule di richjappà l'affare, quand'ellu ghjunghjerà l'ora di u novu Statutu .

E quessa ùn la pudemu acittà, è a sò chè voi dinò, ùn l'acittate micca.

Avete à parechje volte ammintatu scontri cù u retturatu induve so state fatte pruposte di pianu di furmazione , u ricrutamentu di un Ingegnere in carica di a cuurdinazione pedagogica in lingua corsa ch'assicureria à lea tra assemblea è Accademia.

Prova chi una ricerca di suluzione si face da a nostra parte.

À tempu ci sò l'annuncie quantitative fatte da u retturatu nantu à l'apperture di scole bilingue, ch'è pudarianu fà crede chi tuttu si passa bè è ch'è i sforzi sò fatti.

Una spezia di "mensonge de santé" cum'ellu si dice in francese.

Pè contu nostru ci vole oghje à passà da u dì à u fà

Allora, pè compie, vi dumandemu, s'è vo site prontu cù noi, è cù tutti l'attori cuncernati, à urganizà una reunion nantu à punti precisi, cu u retturatu, da fissà un calendariu d'azione pè assicurà un insegnamentu cuntinuu è di qualità di a nostra lingua?

À ringrazià vi.